



Свято-Михайловский приход на Лидиевке  
г. Донецк

**БОЖЕСТВЕННАЯ**

**ЛИТУРГИЯ**

**Св. Иоанна Златоустого**

**ПАРТИТУРА ДЛЯ ХОРА.**



Оригинальная редакция  
Архимандрита Гавриила (Саютина)

**Священник:** Благословенно Царство Отца, и Сына, и Святого Духа, и ныне и присно, и во веки веков.

**Хор:** Аминь

**Священник:** Миром Господу помолимся

**Хор:** Господи, помилуй.

**Священник:** О свышнем мире и спасении душ наших Господу помолимся.

**Хор:** Господи, помилуй.

**Священник:** О мире всего мира, благостоянии Святых Божиих Церквей и соединении всех Господу помолимся.

**Хор:** Господи, помилуй.

**Священник:** О святем храме сем и с верою, благоговением и страхом Божиим входящих в онь Господу помолимся.

**Хор:** Господи, помилуй.

**Священник:** О Великом Господине и Отце нашем Святейшем Патриархе (имя рек), о Господине нашем Преосвященнейшем епископе (имя рек), честнем пресвитерстве, во Христе Дияконстве, о всем причте и людех Господу помолимся.

**Хор:** Господи, помилуй.

**Священник:** О Богохранимей стране нашей Украине, властех и воинстве ея Господу помолимся.

**Хор:** Господи, помилуй.

**Священник:** О граде сем, всяком граде, стране и верою живущих в них Господу помолимся.

**Хор:** Господи, помилуй.

**Священник:** О благорастворении воздушных, о изобилии плодов земных и временех мирных Господу помолимся.

**Хор:** Господи, помилуй.

**Священник:** О плавающих, путешествующих, недугующих, страждущих, плененных и о спасении их Господу помолимся.

**Хор:** Господи, помилуй.

**Священник:** О избавитися нам от всякия скорби, гнева и нужды Господу помолимся.

**Хор:** Господи, помилуй.

**Священник:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Священник:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Хор: Тебе, Господи.

Священник: Яко подобает Тебе всякая слава, честь и поклонение. Отцу, и Сыну, и Святому Духу, ныне и присно, и во веки веков.

Хор: Аминь.

Первый антифон:

Хор: Благослови́, душе́ моя, Господа, / Благословен еси́ Го́споди. Благослови́, душе́ моя, Господа, / и вся вну́тренняя моя // имя свято́е Его.

Благослови́, душе́ моя, Господа / и не забыва́й всех воздая́ний Его: Очища́ющего вся беззакония́ твоя, / исцеля́ющего вся недуги́ твоя Избавля́ющего от ислéния живото́ твой, / венча́ющего тя ми́лостию и щедро́тами,

Исполня́ющего во благо́х желание́ твое: / обновится́ яко о́рля юность твоя.

Щедр и Ми́лостив Господь, / долготерпели́в и многоми́лостив.

Слава Отцу и Сыну и Святому Духу, / и ныне и присно во веки веков. Аминь.

Благослови́, душе́ моя, Господа, / и вся вну́тренняя моя / имя свято́е Его. // Благословен еси́ Го́споди.

Священник: Паки и паки миром Господу помолимся.

Хор: Господи, помилуй.

Священник: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Священник: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Священник: Яко Твоя держава, и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

## Второй антифон

Хор: Слава Отцу, и Сыну, и Святому Духу.

Хвали́, душо́ моя, Господа./ Восхва́лю Господа в живо́те моем, // пою Богу моему́, до́ндеже есмь.

Не наде́йтесь на кня́зи, на сы́ны челове́ския, // в них же несть спасения.

Изы́дет дух его, и возврати́тся в зе́млю свою:// и той день поги́бнут вся помышле́ния его.

Блаже́н, ему́же Бог Иа́ковль помо́щник его, // упование его на Господа Бога своего́,

Сотво́ршаго не́бо и зе́млю, / мо́ре и вся, я́же в них;

Храня́щаго и́стину в век, / творя́щего суд оби́димым, // даю́щаго пи́щу а́лчущим.

Госпо́дь реши́т оковáнные: / Госпо́дь умудря́ет слепцы́: / Госпо́дь возво́дит низве́рженные: // Госпо́дь лю́бит пра́ведники:

Госпо́дь хранит прише́льцы, // си́ра и вдову́ прии́мет, // и путь грешных погубит.

Воцарися Госпо́дь во век, // Бог твой, Сионе, в род и род.

Хор: И ныне и присно и во веки веков. Аминь.

Хор: Единоро́дный Сы́не, и Сло́ве Бо́жий, безсме́ртен Сый, / и изво́ливый спасе́ния на́шего ра́ди / воплоти́тся от святы́я Богоро́дицы и Присноде́вы Мари́и, / непрело́жно вочелове́чивыйся; / распныйся же Христе́ Бо́же, сме́ртию смерть попра́вый, / Еди́н сый Святы́я Тро́ицы, / прославля́емый Отцу́ и Свято́му Ду́ху, спаси́ нас.

Священник: Паки и паки миром Господу помолимся.

Хор: Господи, помилуй.

Священник: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Священник: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга и весь живот наш Христу Богу предадим.

Хор: Тебе, Господи.

Священник: Яко благ и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

### Третий антифон, Блаженны:

**Хор:** Во Царствии Твоём помяни нас, Господи, / егда приидеши во Царствии Твоём.

Блаженни нищии духом, / яко тех есть Царство Небесное.

Блажени плачущии, / яко тии утешатся.

Блажени кротции, / яко тии наследят землю.

Блажени алчущии и жаждущии правды, / яко тии насытятся.

Блажени милостивии, / яко тии помиловани будут.

Блажени чистии сердцем, / яко тии Бога узрят.

Блажени миротворцы, / яко тии сынове Божии нарекутся.

Блажени изгнани правды ради, / яко тех есть Царство Небесное.

Блажени есте, егда поносят вам, и изженут, / и рекут всяк зол глагол на вы, лжуще Мене ради.

Радуйтесь и веселитесь, / яко мзда ваша многа на небесех.

Слава Отцу и Сыну / и Святому Духу,

И ныне и присно / во веки веков. Аминь.

### Вход с Евангелием

**Священник:** Премудрость, прости.

**Хор:** Приидите, поклонимся и припадём ко Христу. Спаси ны, Сыне Божий, воскресий из мёртвых, поющия Ти: аллилуиа.

### Хор по обычаю поет тропари и кондаки.

**Священник:** Яко свят еси, Боже наш, и Тебе славу возсылаем, Отцу, и Сыну, и Святому Духу, ныне и присно.

**Священник:** И во веки веков.

**Хор:** Аминь.

### Трисвятое:

**Хор:** Святы́й Бо́же, Святы́й Кре́пкий, Святы́й Безсме́ртный, поми́луй нас (трижды).

Сла́ва Отцу́ и Сы́ну, и Свято́му Ду́ху, и ны́не, и при́сно, и во ве́ки веков. Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас

Священник: Вонмем  
Священник: Мир всем. †  
Чтец Апостола: И духови твоему.  
Священник: Премудрость  
Чтец: Прокимен, глас ...  
Священник: Премудрость

Чтение апостола.

Священник Мир ти.  
Чтец: И духови твоему.  
Священник: Премудрость.  
Хор: Аллилуиа (трижды)

Священник: Премудрость, прости, услышим святого Евангелиа.  
Мир всем. †  
Хор: И духови твоему.  
Священник: От (имярек) Святаго Евангелия чтение  
Хор: Слава Тебе, Господи, слава Тебе.  
Священник: Вонмем.

И читается Евангелие. По окончании чтения:

Хор: Слава Тебе, Господи, слава Тебе.

По обычаю бывает проповедь.

Священник: Рцем вси от всея души и от всего помышления нашего рцем.  
Хор: Господи, помилуй.  
Священник: Господи Вседержителю, Боже отец наших, молим Ти ся, услыши и помилуй.  
Хор: Господи, помилуй.  
Священник: Помилуй нас, Боже, по велицей милости Твоей, молим Ти ся, услыши и помилуй.  
Хор: Господи, помилуй (трижды).  
Священник: Еще молимся о Великом Господине и Отце нашем Святейшем Патриархе (имя рек), и о Господине нашем Преосвященнейшем (имя рек правящего епископа), и всей во Христе братии нашей.  
Хор: Господи, помилуй (трижды).

**Священник:** Еще молимся о Богохранимой стране нашей Украине, властех и воинстве ея, да тихое и безмолвное житие поживем во всяком благочестии и чистоте.

**Хор:** Господи, помилуй (трижды).

**Священник:** Еще молимся о братьях наших, священниках, священномонахах и всем во Христе братстве нашем.

**Хор:** Господи, помилуй (трижды).

**Священник:** Еще молимся о блаженных и приснопамятных святейших патриарсах православных и создателях святого храма сего, и о всех прежде почивших отцах и братьях, zde лежащих и повсюду, православных.

**Хор:** Господи, помилуй (трижды).

**Священник:** Еще молимся о мире, здравии спасении и посещении, оставлении грехов и прегрешений рабов Божих (имена)...

**Хор:** Господи помилуй (множественно, тихо)

**Священник:** ... и всех прихожан святого Храма сего

**Хор:** Господи, помилуй (трижды).

**Священник:** Еще молимся о плодоносящих и добродетельных во святем и всечестнем храме сем, труждающихся, поющих и предстоящих людех, ожидающих от Тебе великия и богатая милости.

**Хор:** Господи, помилуй (трижды).

**Священник:** Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне, и присно, и во веки веков.

**Хор:** Аминь.

***Заупокойная ектения.  
(БЫВАЕТ НЕ ВО ВСЯ ДНИ!)***

**Священник:** Помилуй нас, Боже, по велицей милости Твоей, молим Ти ся, услыши и помилуй.

**Хор:** Господи, помилуй (трижды).

**Священник:**

*Еще молимся о упокоении душ усопших рабов Божих (имена рек) и о еже проститися им всякому прегрешению, вольному же и невольному.*

**Хор:** Господи, помилуй (трижды).

**Священник:** Яко да Господь Бог учинит души их, идеже праведнии упокоются.

**Хор:** Господи, помилуй (трижды).

**Священник: Милости Божия, Царства Небеснаго и оставления грехов их у Христа, Безсмертнаго Царя и Бога нашего, просим.**

**Хор: Подай, Господи.**

**Священник: Господу помолимся.**

**Хор: Господи, помилуй.**

**Священник: Яко Ты еси Воскресение и живот, и покой усопших рабов Твоих (имена рек), Христе Боже наш, и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков.**

**Хор: Аминь.**

**Священник: Помолитесь, оглашеннии Господеви.**

**Хор: Господи, помилуй.**

**Священник: Вернии, о оглашенных помолимся, да Господь помилует их.**

**Хор: Господи, помилуй.**

**Священник: Огласит их словом истины.**

**Хор: Господи, помилуй.**

**Священник: Откроет им Евангелие правды.**

**Хор: Господи, помилуй.**

**Священник: Соединит их Святей Своей Соборней и Апостольстей Церкви.**

**Хор: Господи, помилуй.**

**Священник: Спаси, помилуй, заступи и сохрани их, Боже, Твоею благодатию.**

**Хор: Господи, помилуй.**

**Священник: Оглашеннии, главы ваша Господеви приклоните.**

**Хор: Тебе Господи.**

**Священник: Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.**

**Хор: Аминь.**

**Священник: Елицы оглашеннии, изыдите; оглашеннии, изыдите; елицы оглашеннии, изыдите. Да никто от оглашенных, елицы вернии, паки и паки миром Господу помолимся.**

**Хор: Господи, помилуй.**

**Священник: Заступи, спаси, помилуй и сохрани нас, Боже, Твоею благодатию.**

**Хор: Господи, помилуй.**

**Священник: Премудрость.**



**Священник:** Яко подобает Тебе всякая слава, честь и поклонение. Отцу, и Сыну, и Святому Духу, ныне и присно, и во веки веков.

**Хор:** Аминь.

**Священник:** Паки и паки миром Господу помолимся.

**Хор:** Господи, помилуй.

**Священник:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Священник:** Премудрость.

**Священник:** Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

### Херувимская песнь

**Хор.** Иже херувимы тайно образующе и Животворящей Троице Трисвятую песнь припевающе, всякое ныне житейское отложим попечение.

### Великий вход

**Священник:** Великаго Господина и Отца нашего (имя рек), Святейшаго Патриарха Киевскаго и всея Руси-Укрины, и Господина нашего Преосвященнейшаго (имя рек) епископа (титул епархиального архиерея), да помянет Господь Бог во Царствии Своем всегда, ныне и присно, и во веки веков.

**Священник:** Всех вас, православных христиан, да помянет Господь Бог во Царствии Своем всегда, ныне и присно, и во веки веков.

**Хор:** Аминь. Яко да Царя всех подыдем, ангельскими невидимо дароносимо чинми. Аллилуиа, аллилуиа, аллилуиа.

**Священник:** Исполним молитву нашу Господеви.

**Хор:** Господи помилуй.

**Священник:** О предложенных Честных Дарех Господу помолимся.

**Хор:** Господи, помилуй.

**Священник:** О святем храме сем и с верою, благоговением и страхом Божиим входящих в онь Господу помолимся.

**Хор:** Господи, помилуй.

**Священник:** О избавитися нам от всякия скорби, гнева и нужды Господу помолимся.

**Хор:** Господи, помилуй.

**Священник:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Священник:** Дне всего совершенна, свята, мирна и безгрешна у Господа просим.

**Хор:** Подай, Господи.

**Священник:** Ангела мирна, верна наставника, хранителя душ и телес наших у Господа просим.

**Хор:** Подай, Господи.

**Священник:** Прощения и оставления грехов и прегрешений наших у Господа просим.

**Хор:** Подай, Господи.

**Священник:** Добрых и полезных душам нашим и мира миру у Господа просим.

**Хор:** Подай, Господи.

**Священник:** Прочее время живота нашего в мире и покаянии скончати у Господа просим.

**Хор:** Подай, Господи.

**Священник:** Христианския кончины живота нашего, безболезненны, непостыдны, мирны, и доброго ответа на Страшнем судищи Христове просим.

**Хор:** Подай, Господи.

**Священник:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянуше, сами себе и друг друга, и весь живот наш Христу Богу предадим.

**Хор:** Тебе, Господи.

**Священник:** Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

**Хор:** Аминь.

**Священник:** Мир всем. †

**Хор:** И духови твоему.

**Священник:** Возлюбим друг друга, да единомыслием исповемы.

**Хор:** Отца, и Сына, и Святого Духа, Троицу Единосущную и Нераздельную.

**Священник:** Двери, двери, премудрость вонмем.

## Символ веры:

**Хор:** <sup>1</sup>Вѣрую во Единого Бóга Отца Вседержителя, Творца неба и земли, видимым же всем и невидимым. <sup>2</sup>И во Единого Господа Иисуса Христа, Сына Бóжия, Единородного, Иже от Отца рожденного прежде всех век. Свѣта от свѣта, Бóга истинна от Бóга истинна, рождена не сотворенна, единосущна Отцу, Имже вся быша. <sup>3</sup>Нас ради, человек, и нашего ради спасения сшедшего с небес, и воплотившагося от Духа Свята и Марии Девы, и вочеловечшася. <sup>4</sup>Распятого же за ны при Понтийском Пилате, и страдавша, и погребена. <sup>5</sup>И воскресшаго в третий день по писанием. <sup>6</sup>И возшедшаго на небеса, и седяща одесную Отца. <sup>7</sup>И паки грядущаго со славою судити живым и мертвым, Егóже Царствию не будет конца. <sup>8</sup>И в Духа Святаго, Господа Животворящаго, Иже от Отца исходящаго, Иже со Отцем и Сыном споклоняема и сславима, глаголющаго пророки. <sup>9</sup>Во единую Святую Соборную и Апостольскую Церковь. <sup>10</sup>Исповедаю едино крещение во оставление грехов. <sup>11</sup>Чаю воскресения мертвых, и <sup>12</sup>жизни будущаго века. Аминь.

**Священник:** Станем добре, станем со страхом, вонмем, святое возношение в мире приносить.

**Хор:** Милость мира, жертву хваления.

**Священник:** Благодать Господа нашего Иисуса Христа, и любви Бога и Отца, и причастие Святаго Духа буди со всеми вами. †

**Хор:** И со духом твоим.

**Священник:** Горе имеем сердца.

**Хор:** Имамы ко Господу.

**Священник:** Благодарим Господа.

**Хор:** Достойно и праведно есть поклоняться Отцу и Сыну и Святому Духу, Троице Единосущней и Нераздельней.

**Священник:** Победную песнь поюще, вопиюще, взывающе и глаголюще.

**Хор:** Свят, Свят, Свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

**Священник:** Примите, ядите, Сие есть Тело Мое, еже за вы ломимое, во оставление грехов.

**Хор:** Аминь. (ПРОТЯЖНО)

**Священник:** Пийте от нея вси, Сия есть Кровь Моя Новаго Завета, яже за вы и за многи изливаемая во оставление грехов.

**Хор: Аминь. (ПРОТЯЖНО)**

**Священник: Твоя от Твоих Тебе приносяще о всех и за вся.**

**Хор: Тебе поем, Тебе благословим, Тебе благодарим, Господи, и молим Ти ся, Боже наш.**

**Священник: Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.**

**Хор: Достойно есть, яко воистинну блажити Тя, Богородицу, Присноблаженную и Пренепорочную и Матерь Бóга нашего.**

**Честнейшую Херувим и славнейшую без сравнения Серафим, без истления Бóга Слова рождшую, сущую Богородицу Тя величаем.**

**Священник: В первых помяни, Господи, Великаго Господина и Отца нашего (имя рек), Святейшаго Патриарха Киевскаго и всея Руси-Укрины, и Господина нашего Преосвященнейшаго епископа (титул епархиального архиерея), ихже даруй Святым Твоим Церквам в мире, целых, честных, здравых, долгоденствующих, право правящих слово Твоея истины.**

**Хор: И всех и вся.**

**Священник: И даждь нам единими усты и едином сердцем славити и воспевати пречестное и великолепое Имя Твое, Отца, и Сына, и Святаго Духа, ныне и присно, и во веки веков.**

**Хор: Аминь.**

**Священник: И да будут милости Великаго Бога и Спаса нашего Иисуса Христа со всеми вами. †**

**Хор: И со духом твоим.**

**Священник: Все святыя помянуше, паки и паки миром Господу помолимся.**

**Хор: Господи, помилуй.**

**Священник: О принесенных и освященных Честных Дарех Господу помолимся.**

**Хор: Господи, помилуй.**

**Священник: Яко да Человеколюбец Бог наш, приемь я во святыи, и пренебесный, и мысленный Свой Жертвенник, в воню благоухания духовнаго, возниспослет нам Божественную благодать и дар Святаго Духа, помолимся.**

**Хор: Господи, помилуй.**

**Священник: О избавитися нам от всякия скорби, гнева и нужды Господу помолимся.**

**Хор:** Господи, помилуй.

**Священник:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Священник:** Дне всего совершенна, свята, мирна и безгрешна у Господа просим.

**Хор:** Подай, Господи.

**Священник:** Ангела мирна, верна наставника, хранителя душ и телес наших у Господа просим.

**Хор:** Подай, Господи.

**Священник:** Прощения и оставления грехов и прегрешений наших у Господа просим.

**Хор:** Подай, Господи.

**Священник:** Добрых и полезных душам нашим и мира миру у Господа просим.

**Хор:** Подай, Господи.

**Священник:** Прочее время живота нашего в мире и покаянии скончати у Господа просим.

**Хор:** Подай, Господи.

**Священник:** Христианския кончины живота нашего, безболезненны, непостыдны, мирны и доброго ответа на Страшнем судищи Христове просим.

**Хор:** Подай, Господи.

**Священник:** Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

**Хор:** Тебе, Господи.

**Священник:** И сподоби нас, Владыко, со дерзновением, неосужденно смети призывати Тебе, Небеснаго Бога, Отца, и глаголати:

**Хор (и все молящиеся):** Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим, и не введи нас во искушение, но избави нас от лукаваго.

**Священник:** Яко Твое есть Царство, и сила, и слава. Отца, и Сына, и Святаго Духа, ныне и присно, и во веки веков.

**Хор:** Аминь.

**Священник:** Мир всем. †

**Хор:** И духови твоему.

**Священник:** Главы ваша Господеви приклоните.

Хор: Тебе, Господи.

Священник: Благодатию, и щедротами, и человеколюбием Единородного Сына Твоего, с Нимже благословен еси, со Пресвятым, и Благим, и Животворящим Твоим Духом, ныне и присно, и во веки веков.

Хор: Аминь. (ПРОТЯЖНО)

Священник: Вонмем.

Священник: Святая святым

Хор: Един Свят, един Господь Иисус Христос, во славу Бога Отца. Аминь.

### Причащение священнослужителей.

Хор поет причастны.

Священник: Со страхом Божиим и верою приступите.

Хор: Благословен грядый во имя Господне, Бог Господь и явися нам.

Священник: Верую, Господи, и исповедую, яко Ты еси воистину Христос, Сын Бога Живаго, пришедый в мир грешныя спасти, от нихже первый есмь аз. Еще верую, яко Сие есть Самое Пречистое Тело Твое и Сия есть Самая Честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися Пречистых Твоих Тайнств, во оставление грехов и в жизнь вечную. Аминь.

Вечери Твоея тайныя днесь, Сыне Божий, причастника мя приими, не бо врагом Твоим тайну повем, ни лобзания Ти дам, яко Иуда, но, яко разбойник, исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святых Твоих Тайн, Господи, но во исцеление души и тела.

### Священник читает проповедь о таинстве причастия Тела и Крови Христовых.

Хор: Тело Христово примите, источника безсмерного вкусите.

Священник: Спаси, Боже люди Твоя и благослови достояние Твое.

Хор: Видехом свет истинный, прияхом Духа Небесного, обретохом веру истинную, Нераздельней Троице поклоняемся: Та бо нас спасла есть.

**Священник:** Всегда, ныне и присно, и во веки веков.

**Хор:** Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причаститися Святым Твоим Божественным, бессмертным и животворящим Тайнам; соблюди нас о Твоей святости, весь день поучатися правде Твоей. Аллилуиа, аллилуиа, аллилуиа.

**Священник:** Прости приемше Божественных, Святых, Пречистых, Бессмертных, Небесных и Животворящих, Страшных Христовых Тайн, достойно благодарим Господа.

**Хор:** Господи, помилуй.

**Священник:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Священник:** День весь совершен, свят, мирен и безгрешен испросивше, сами себе, и друг друга, и весь живот наш Христу Богу предадим.

**Хор:** Тебе, Господи.

**Священник:** Яко Ты еси Освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**Священник:** С миром изыдем.

**Хор:** О имени Господни.

**Священник:** Господу помолимся.

**Хор:** Господи, помилуй.

**Священник:** Благословляяй благословящия Тя, Господи, и освящай на Тя уповающия, спаси люди Твоя и благослови достояние Твое, исполнение Церкви Твоея сохрани, освяти любящия благолепие дому Твоему, Ты тех возпрослави Божественною Твоею силою и не остави нас, уповающих на Тя. Мир миру Твоему даруй, Церквам Твоим, Священником и всем людям Твоим. Яко всякое даяние благо и всяк дар совершен свыше есть, сходяй от Тебе, Отца светов. И Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь. Буди имя Господне благословенно отныне и до века. (Трижды)

## Псалом Давиду, 33.

Благословлю Господа на всякое время, / выну хвала Его во устех моих.

О Господе похвалится душа моя, / да услышат кротции и возвеселятся.

Возвеличите Господа со мною, / и вознесем имя Его вкупе.

Взысках Господа и услыша мя, / и от всех скорбей моих избави мя.

Приступите к Нему и просветитесь, / и лица ваша не постыдятся.

Сей нищий воззва, и Господь услыша и, / и от всех скорбей его спасе и.

Ополчится Ангел Господень окрест боящихся Его, / и избавит их.

Вкусите и видите, яко благ Господь; / блажен муж, иже уповае на Нань.

Бойтесь Господа, вси святии Его, / яко несть лишения боящимся Его.

Богатии обнищаша и взалкаша, / взыскающии же Господа не лишатся всякаго блага.

Приидите, чада, послушайте мене, / страху Господню научу вас.

Кто есть человек хотяй живот, / любяй дни видети благи?

Удержи язык твой от зла, / и устне твои, еже не глаголати лъсти.

Уклонися от зла и сотвори благо, / взыщи мира, и пожени и.

Очи Господни на праведныя, / и уши Его в молитву их.

Лице же Господне, на творящия злая, / еже потребити от земли память их.

Возваша праведнии, и Господь услыша их, / и от всех скорбей их избави их.

Близ Господь сокрушенных сердцем, / и смиренныя духом спасет.

Многи скорби праведным, / и от всех их избавит я Господь.

Хранит Господь вся кости их, / ни едина от них сокрушится.

Смерть грешников люта, / и ненавидящии праведнаго прегрешат.

Избавит Господь души раб Своих, / и не прегрешат вси, уповающии на Него.

Священник: Благословение Господе на вас, Того благодатию и человеколюбием всегда, ныне и присно, и во веки веков.

Хор: Аминь.

Священник: Слава Тебе, Христе Боже, Упование наше, слава Тебе



**Хор: Слава, и ныне. Господи, помилуй. (Трижды) Благослови.**

**Священник Воскресый из мертвых Христос, истинный Бог наш, молитвами Пречистыя Своей Матере, святых славных и всехвальных апостол, иже во святых отца нашего Иоанна, архиепископа Константинопольскаго, Златоустаго и святого (храма и дня), и всех святых, помилует и спасет нас, яко Благ и Человеколюбец. †**

**Хор: Аминь.**

**Хор: Великого Господина и Отца нашего (имя рек), /Святейшего Патриарха Киевского и всея Руси-Укрины,/**

**и Господина нашего Преосвященнейшаго Юрия/ епископа Донецкого и Мариупольского/**

**и господина преосвященнейшаго Сергия,/епископа Славянскаго, настоятеля, и прихожан святого храма сего/ и вся православныя христианы,**

**Господи, сохрани их на многая лета!**

**Хор: Многая Лета!**

